

**Uunga siunnersuut: Allakkerineq pillugu Inatsisartut inatsisaat nr. xx, xx. xxxx 2011-meersoq**

*(Ineqarnermut, Attaveqarnermut Angallannermullu Naalakkersuisumik  
saqqummiunneqartoq)*

**pillugu**

**Attaveqarnermut Ineqarnermullu Ataatsimiititaliap**

**ILASSUTITUT ISUMALIUTISSIISUTAA**

**Siunnersuutip aappassaaneerneqarnerani saqqummiunneqartoq**

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq

Inatsisartunut ilaasortaq Olga P. Berthelsen, Inuit Ataqatigiit, siulittaasup tullia

Inatsisartunut ilaasortaq Debora Kleist, Inuit Ataqatigiit

Inatsisartunut ilaasortaq Anders Olsen, Siumut

Inatsisartunut ilaasortaq Malik Berthelsen, Siumut

**Aallarniut**

Siunnersuutip matuma aappassaaneerneqarnissaanut Attaveqarnermut Ineqarnermullu Ataatsimiititaliaq ulloq 28. marts 2011-mi isumaliutissiisuteqarpoq.

Pingajussaaneerneqartinnani siunnersuut suliarineqaqqittussanngorlugu ataatsimiititaliamut innersunneqassasoq isumaliutissiisummi tessani ataatsimiititaliap inassutigaa. Tassa POST Greenlandip allakkanik ingerlassisarnermi pisussaaffii kisremaassisussaatitaaneralu il.il. pillugit Namminersorlutik Oqartussat nalunaarutissaattut missingummi § 21 naapertorlugu maalaaruteqarsinnaaneq pillugu maleruagassat inatsimmut ilangunneqarnerannik kinguneqartumik Naalakkersuisut pingajussaaneerinissamut allannguutissatut siunnersummik saqqummiussinissaat ataatsimiititaliap isumaqtigatiipt isumaliutissiisummi qinnutigimmagu, taamaattumillu ataatsimiititaliaq siunnersuutip aappassaaneerneqarnissaanut matumuuna ilassutitut isumaliutissiisuteqarpoq, taamaalillunilu aappassaaneerinermut maanna isumaliutissiisuteqartoqarlunilu ilassutitut isumaliutissiisuteqartoqarpoq. Tamatumma kingunerisaanik siunnersuutip pingajussaaneerneqarnissaanut ilassutitut isumaliutissiisuteqarnissaq ataatsimiititaliamit naatsorsuutigineqanngilaq.

**Ataatsimiititaliap allannguutissatut siunnersuummik suliarinninnera**

Ataatsimiititaliap iluarisimaarlugu maluginiarpaa Naalakkersuisut allannguutissatut siunnersuutaatigut maalaaruteqarsinnaaneq pillugu maleruagassat nalunaarutissatut missingiummi § 21 naapertorlugu inatsimmut ilanngunneqartut.

Allannguutissatut siunnersuut 30. marts 2011-meersoq isumaliutissiisummut uunga ilanngussatut ilanngunneqarpoq.

**Ataatsimiititaliap inassuteqaatai**

Naalakkersuisut allannguutissatut siunnersuutaat akuersissutigineqassasoq ataatsimiititaliap isumaqatigiittup inassutigaa.

Tamatuma kingorna iluserilikkamisut iluseqarluni Naalakkersuisut inatsisissatut siunnersuutaat akuersissutigineqassasoq ataatsimiititaliap isumaqatigiittup inassutigaa.

Taama oqaaseqarluni aammalu ilassutitut isumaliutissiisummi allassimasutut paasinnilluni ataatsimiititaliap siunnersuut aappassaaniigassanngortippaa.

Justus Hansen  
Siulittaasoq

Olga P. Berthelsen

Debora Kleist

Anders Olsen

Malik Berthelsen